

ପିତରଙ୍କ ଲିଖିତ ଦ୍ଵିତୀୟ ପତ୍ର ପାତ୍ରରାସ୍ ଅଲ୍ଲାକାଦ୍ ଏଟାଃ ଚିଟାଉ ପାରିଚାଏ

ପାତ୍ରରାସ୍‌ଆଃ ଏଟାଃ ଚିଟାଉ କାଜିୟାଃଏ ଯେ, ନେ ଚିଟାଉ ପ୍ରେରିତ୍ ପାତ୍ରରାସ୍‌ଆଃ ହରାତେ ଅଲ୍ଲାକାନା । ମେନ୍ଦ୍ ନାହାଁଃ ପୁରାଃ ପାଣ୍ଡିତ୍‌କ ନେଆଁ ସାର୍ତି ନାହାଁଲାଃ ମେନ୍ତେ କାଜିୟାଃକ । ହବାସାକାଅଆଃ ନେଆଁ ପାତ୍ରରାସ୍‌ଆଃ ବାଦ୍‌ଲାରେ ଏଟାଃ ମିହୁଡ୍ ଅଲ୍ଲାକାଦାଏ ମେନ୍ତେକ କାଜିୟାଃ । ଅନଲ୍‌ନିଃ କାଜିୟାଃଏ ଯେ, ଇନିଃ ଯୀଶୁ ଖ୍ରୀଷ୍ଟ୍‌କେ ମେନ୍ଦ୍‌ତେ ନେଲ୍ଲାକାଇ ହଡ୍ ତାନିଃ । ବିଶେଷକେନ୍ଦ୍‌ତେ ଯୀଶୁଆଃ ରୁପ୍ ବାଦ୍‌ଲାଅ ବିଷାଏରେ କାଜିୟାଃକ ୧:୧୭-୧୮ । ପାତ୍ରରାସ୍ ନେ ଚିଟାଉ ଅଲ୍ଲାକାଦ୍‌ରେନ୍ଦ୍, ହବାସାକାଅଆଃ ରୋମ୍‌ରେ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୫୭-୬୯ କରେ, ଆୟାଃ ଗନଏଃ ସିଦାରେ ନେ ଚିଟାଉ ଅଲ୍ଲାକାଦାଏ । ପାତ୍ରରାସ୍ ହରି ନେଆଁ ଆୟାଃ ଏଟାଃ ଚିଟାଉ ମେନ୍ତେ କାଜିୟାଃ ୩:୧ । ପାତ୍ରରାସ୍ ଆୟାଃ ପାହିଲା ଚିଟାଉ ଅଲ୍‌କେନ୍ଦ୍ ତାୟମ୍‌ତେ, ଏନ୍ ଅନଲ୍ ଦିପିଲିରାଃ ଠାୟାଦ୍ ଏମ୍‌କେନ୍ଦ୍ ହରାତେ ନେଆଁକେ ଏଟାଃ ଚିଟାଉ ମେନ୍ତେ କାଜିୟାଃକ । ଇନିଃ ସବେନ୍ ଖ୍ରୀଷ୍ଟ୍‌ୟାନ୍ ହଡ୍‌କକେ ନେ ଚିଟାଉ ଉଦ୍‌ବୁକାଦାକଆଏ ।

ପାତ୍ରରାସ୍ ବିଶ୍ଵାସୀକକେ ଜୀଉରେ ରାସ୍‌କା ଏମ୍ ନାଙ୍ଫ୍, ବୁଗିନ୍ ଜୀଦାନ୍ ବିତାଅ ନାଙ୍ଫ୍, ହସଡ୍ ଇନିତୁକକେ କା ଅତଙ୍ଫ୍‌କ ନାଙ୍ଫ୍ ଆଡ଼ଃ ଚେତାଅକ ନାଙ୍ଫ୍ ନେ ଚିଟାଉ ୨ ଆଧ୍ୟାୟରେ ଅଲ୍ଲାକାଦାଏ । ଯୀଶୁ ହିଜୁଃ ନାଗେନ୍ତେ ପୁରାଃ ବିଲାମେ ତାନାଏ ମେନ୍ତେ କାଜିତାନ୍ ହଡ୍‌କକେ ଇନିଃ ଆଲପେ କାଜିୟା ମେନ୍ତେ ଜୀଉରେ ରାସ୍‌କାଏ ଏମାକତାନା । ପାର୍‌ମେଶ୍ଵାର୍ ବିଲାମେନିଃ ନାହାଁଲିଃ ମେନ୍ଦ୍ ସବେନ୍‌କ ଜୀଉବାଞ୍ଚାଅକ ନାମେକା ମେନ୍ତେ ଇନିୟାଃ ସାନାଙ୍ଫ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍‌ରେୟାଃ ବିଷାଏ ତାନାଃ ୩:୧୪ ।

ପୁଅ୍ ଭିଟାରରେ ତାଇକାନ୍ କାଜି

- ୧. ପାଢ଼ରାସ୍ ଆୟାଃ ପାରିଚାଏ ଉଦୁବାଃଏ ଆତଃ ଆୟାଃ ପାଢ଼ାଅତାନ୍ ହତକକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦୁବାଃଏ । ୧:୧-୨
- ୨. ଏନ୍ତେ ବିଶ୍ୱାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ତେ ପାହାମ୍‌ଇଚିକ ତାନା, ଚିଆଃଚି ପାର୍‌ମେଶ୍ୱାର୍ ଆବୁକେ ପେଡ଼େଃ ଏମାଃଏ । ୧:୩-୨୧
- ୩. ଇନିଃ ହସତ୍ ଇତୁକକେ ଚେତାଅକେଦ୍‌ତେ ଚୁଣ୍ଟୁ ଦ୍ୱିପିଲିରେ ଇନ୍‌କୁଆଃ ଚିନାଃ ହବାଅଃଆ ଏନାଏ କାଜିକାଦା । ୨:୧-୨୨
- ୪. ପାଢ଼ରାସ୍ ଯୀଶୁ ଖ୍ରୀଷ୍ଟୁଆଃ ଆତଃନିସା ହିଜୁଃ ନାଙ୍ଗ୍ ସେକାଡ଼ାକାନଲଃ ତାଇନ୍‌କେଦ୍‌ତେ ବୁଗିନ୍ ଜୀଦାନ୍ ବିତାଅ ନାଙ୍ଗ୍ ଜୀଉରେ ରାସ୍‌କା ଏମାଃଏ । ୩:୧-୧୮

୧ ଯୀଶୁ ଖ୍ରୀଷ୍ଟୁଆଃ ଦାସି, କୁଲ୍‌କାନ୍ ଶିମୋନ୍ ପାଢ଼ରାସ୍ ଆବୁଆଃ ପାର୍‌ମେଶ୍ୱାର୍ ଆତଃ ଜୀଉବାଞ୍ଚାଅନିଃ ଯୀଶୁ ଖ୍ରୀଷ୍ଟୁଆଃ ଧାର୍‌ମାନ୍ କାମି ହରାତେ ବିଶ୍ୱାସ୍ ଲେକାନ୍ ପୁରାଃ ଗନଙ୍‌ଆଁନ୍ ଦାନ୍‌କ ନାମାକାଦା, ଇନ୍‌କୁତାଃତେ ଆଇଙ୍ଗ୍ ନେ ଚିଟାଉ ଅଲେତାନାଇଙ୍ଗ୍ ।

୨ ପାର୍‌ମେଶ୍ୱାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସେଣ୍ଟାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସୁକୁ ହବାଅଃକା ।

ପାର୍‌ମେଶ୍ୱାର୍‌ଆଃ କେନେଡ଼ା ଆତଃ ସାଲ୍

୩ ଧାର୍‌ମାନ୍ ଜୀଦାନ୍ ବିତାଅ ନାଗେନ୍ତେ ଆବୁକେ ଲାଗାଡ଼ିଙ୍ଗ୍‌ତେୟାଃ ପାର୍‌ମେଶ୍ୱାର୍ ଆୟାଃ ମାରାଙ୍ଗ୍ ପେଡ଼େଃ ଏମାକାଦ୍‌ବୁଆଏ । ଆୟାଃ ମାନାରାଙ୍ଗ୍ ଆତଃ ଧାର୍‌ମାନ୍ କାମିରେ ହିସାଦାର୍ ହବାଅଃ ନାଗେନ୍ତେ କେଡ଼ାକେଦ୍‌ବୁଆ । ଇନିଃକେ ସାରିକିଃ ହରାତେ ଆବୁ ନେ ସବେନ୍ ବାର୍‌ଦାନ୍‌ବୁ ନାମାକାଦା । ୪ ନେ'ଲେକା ଇନିଃ ଆବୁକେ ଆୟାଃ ବାନାର୍‌ସା ଲେକାତେ ପୁରାଃ ଗନଙ୍‌ଆଁନ୍ ଆତଃ ମାରାଙ୍ଗ୍ ବାର୍‌ଦାନ୍ ଏମାକାଦ୍‌ବୁଆଏ, ଏନ୍ ସବେନ୍ ବାର୍‌ଦାନ୍ ହରାତେ ଆପେ ନେ ଜିୟନଃ ଅତେଦିଶୁମ୍‌ରେ ତାଇନଃତାନ୍ ଏଡ଼କାନ୍ ସାନାଙ୍ଗ୍‌ଏତେ ବାଞ୍ଚାଅପେ ନାମେୟା, ଆତଃ ପାର୍‌ମେଶ୍ୱାର୍‌ଆଃ ଲେକାନ୍ ସଭାବ୍‌ରେ ହିସାଦାର୍ ହବା ଦାଡ଼ିୟଃଆପେ । ୫ ଏନା ନାଗେନ୍ତେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ୱାସ୍‌ଲଃ ବୁଗିନାଃ ମେସାଏପେ, ବୁଗିନାଃଲଃ ସେଣ୍ଟାଁକେ

ମେସାଏସେ, ^୬ ସେଣ୍ଟିଲିଆ ଆପାନ୍‌କେ ଆବର୍ ଦହନାଙ୍ଗ୍ ମେସାଏସେ, ଆପାନ୍‌କେ ଆବର୍‌ରେ ଦହଲିଃ ସାହାତିଙ୍ଗ୍ ଜୀଞ୍ଜାନ୍ ମେସାଏସେ, ସାହାତିଙ୍ଗ୍ ଜୀଞ୍ଜାନ୍‌ଲିଃ ପାର୍‌ମେଶ୍ୱାର୍‌କେ ବରଭାକ୍ତି ମେସାଏସେ, ^୭ ପାର୍‌ମେଶ୍ୱାର୍‌କେ ବରଭାକ୍ତିଲିଃ ଶ୍ରୀଷ୍ଟ ହାଗା ଦୁଲ୍ଲାଡ୍ ମେସାଏସେ, ଆତ୍ତଃ ଶ୍ରୀଷ୍ଟ ହାଗା ଦୁଲ୍ଲାଡ୍‌ଲିଃ ଦୁଲ୍ଲାଡ୍ ମେସାଏସେ । ^୮ ନେ ସବେନ୍ ବୁଗିନାଃ ଆପେତାଃରେ ହାରାଇଦିୟ୍‌ରେ, ଆପେ ନାମାକାଦ୍ ପ୍ରାଭୁ ଯୀଶୁ ଶ୍ରୀଷ୍ଟିଆଃ ସେଣ୍ଟି ଆପେକେ କାମି ଇଚିପେୟା ଆତ୍ତଃ ଜ ବାନଃଲେକା କାଏ ବାଇପେୟା । ^୯ ମେନ୍‌ଦ ଜେତାଏତାଃରେ ନେ ସବେନାଃ ବାନଃରେଦ, ଇନିଃ ସାଙ୍ଗିନ୍‌ତେ କା ନେଲ୍ ଦାଡ୍‌ତାନ୍ ଆନ୍ଧା ତାନିଃ ଆତ୍ତଃ ଆୟାଃ ସିଦା କାମିକାଦ୍ ପାପ୍‌କଏତେ ଫାର୍‌ତିଆକାନା ଏନାଏ ରିଡ୍‌କାଦା ।

^{୧୦} ଏନାମେନ୍ତେ, ହେ ହାଗା ମିଶିକ, ପାର୍‌ମେଶ୍ୱାର୍ ଆପେକେ ସାଲ୍‌କେଦ୍‌ତେ କେଡାକାଦ୍‌ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଡ୍‌ନାଅଃପେ । ନେ'ଲେକା କାମିଲେରେ ଆପେ ବିଶ୍ୱାସ୍‌ତେ ଚିତ୍ତଲାଅ କାପେ ତହଦଃଆ । ^{୧୧} ନେ ଲେକାତେ ଆବୁଆଃ ପ୍ରାଭୁ ଆତ୍ତଃ ଜୀଉବାଞ୍ଚାଅନିଃ ଯୀଶୁ ଶ୍ରୀଷ୍ଟିଆଃ ଜାନାଅ ରାଇଜ୍‌ରେ ବଲ ନାଗେନ୍ତେ ଆପେ ପୁରା ଆକ୍‌ତେୟାର୍‌ପେ ନାମେୟା ।

^{୧୨} ଆପେ ନେ ସବେନାଃ ସାରିତାନାପେ ଆତ୍ତଃ ନାମାକାଦ୍ ସାନାର୍‌ତିରେପେ କେଟେୟାକାନା, ନେ ସବେନ୍ କାଜି ଆଇଙ୍ଗ୍ ଆପେକେ ସବେନ୍ ଇମ୍‌ତା ପାହାମ୍‌ଇଚି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ^{୧୩} ଆଇଙ୍ଗ୍ ନେ କୁମ୍‌ପା ଲେକାନ୍ ଗନଏଃ ହଡ୍‌ମ୍‌ରେ ଜୀନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମ୍‌କାତେପେ ନେଆଁ ଠାଉକାଗି ତାନାଃ ମେନ୍ତେଇଙ୍ଗ୍ ଉଡ୍‌ଷୁତାନା । ^{୧୪} ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟି ଆଇଙ୍ଗ୍‌କେ ଉଦୁବାକାଦିଙ୍ଗ୍ ଲେକା ଜାଲ୍‌ଦିଗି ନେ କୁମ୍‌ପା ଲେକାନ୍ ଗନଏଃ ହଡ୍‌ମ୍‌କେ ବାଗି ଲାଗାତିୟା ମେନ୍ତେଇଙ୍ଗ୍ ସାରିତାନା । ^{୧୫} ଆଇଁୟାଃ ଗନଏଃ ତାୟମ୍‌ତେୟା ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇଙ୍ଗ୍ ସାନାଙ୍ଗ୍‌ତାନା ।

ଶ୍ରୀଷ୍ଟିଆଃ ମାନାରାଙ୍ଗ୍‌କେ ମେଦ୍‌ତେ ନେଲ୍‌କାଦ୍ ଗାଞ୍ଜା

^{୧୬} ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟିଆଃ ପେଡ୍‌ଃ ଆତ୍ତଃ ହିନିକୁଃରେଆଃ କାଜି, ଆଲେ ଆପେକେ ଉଦୁବାଦ୍‌ପେତେୟାଃ ହଡ୍ ବାଇକାଦ୍

କାଅନ୍ତି ଲେକା କାଲେ ଉଦୁବ୍, ମେନ୍ଦ୍ ଇନିୟାଃ ମାନାରାଙ୍ଗ୍ ବିଷାଏରେ ମେନ୍ଦ୍ତେ ନେଲକାଦ୍ ଗାଞ୍ଜାଲେ ଏମ୍କେଦା ।
 ୧୭ *ଆପୁ ପାର୍ମେଶ୍ଵାର୍ତେ ମାଇନ୍ ଆତଃ ମାନାରାଙ୍ଗ୍ ତାଇକେନ୍ ଇମ୍ତା ଆଲେୟ୍ ଏନ୍ତାଃରେ ତାଇକେନାଲେ । ମାରାଙ୍ଗ୍ତତାର୍ ମାଇନାନ୍ତାଃଏତେ ଇନିୟାଃ ବିଷାଏରେ ମିଆଁଦ୍ ସାଡ଼ି ଆୟୁମ୍ୟାନା,
 “ନିଃ ଆଇୟାଃ ଦୁଲାଡ୍ ହନ୍, ନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ସୁକୁଃଆ ।” ୧୮ ଆଲେ ଇନିଃଲଃ ଏନ୍ ପାବିତାର୍ ବୁରୁରେଲେ ତାଇକେନ୍ ଇମ୍ତା, ଆଲେଗି ସିର୍ମାଏତେ ଉଦୁବଃତାନ୍ ନେ କାଜିଲେ ଆୟୁମ୍କେଦା ।

୧୯ ଏନାତେ ନାବୀକଆଃ ଆୟାରକାଜିରେ ଆଲେୟାଃ ବିଶ୍ଵାସ୍ ପୁରାଃଗି କେଟେଦ୍କାନା । ଏନାମେନ୍ତେ ଆପେକେୟ୍ ଏନାରେ ଧ୍ୟାନ୍ ଏମ୍ ଲାଗାଡିଙ୍ଗ୍ୟାଃ, ଚିୟାଃତି ଏନା ନୁବାଃରେ ଦିମି ଲେକା ମାୟାଲେ ଲେକାନାଃ ତାନାଃ ଆତଃ ଆଇଅଃ ଇପିଲ୍ ଆପେୟାଃ ମନ୍ସୁରୁଦ୍ରେ ଆଉରି ତୁରଃ ଜାକେଦ୍ ଏନା ଜୁଲକାତେୟାଃଆ । ୨୦ ଆପେ ନିମିନାଙ୍ଗ୍ ସାରିପେ, ଧାରାମ୍ପୁଥ୍ରେ ଅଲକାନ୍ ଆୟାରକାଜିକେ, ଜେତା ହଡ୍ ଆପାନ୍ ସେଣାତେ କାଏ ଆଟ୍କାର୍ଉରୁମ୍ ଦାଡ଼ିୟା । ୨୧ ଆୟାରକାଜି ହଡ୍କଆଃ ସାନାଙ୍ଗ୍ ଲେକାତେ ଚିତ୍ତଲାଅ କା ହିଜୁଆକାନା, ମେନ୍ଦ୍ ପାର୍ମେଶ୍ଵାର୍ତେ କୁଲକାନ୍ ହଡ୍କ ପାବିତାର୍ ଆମ୍ ସରାତେ ପାର୍ମେଶ୍ଵାର୍ତାଃଏତେ ହିଜୁଆକାନ୍ କାଜିକ ଉଦୁବ୍କାଦ୍ ତାଇକେନା ।

9

ହସଡ୍ ଇନିତୁକ

୧ ସିଦା ଦିପିଲିରେ ଜେଲେକା ହଡ୍କ ଆଲାରେ ହସଡ୍ ନାବୀକ ତାଇକେନା, ଏନ୍ଲେକାଗି ଆପେ ଆଲାରେୟ୍ ହସଡ୍ ଇନିତୁକ ଅତଙ୍ଗ୍ଆଃଆ । ଇନ୍କୁ ଜିୟନଃ ଏଡକାନ୍ ଇନିତୁକେ ଉକୁଉକୁତେକ ଉଦୁବେଆ ଆତଃ ଆବୁକେ କିରିଙ୍ଗ୍କାଦ୍ ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନ୍କୁଆଃ ତେତାନ୍ରେ ଜିୟନଃ ହିଜୁଆ । ୨ ଆତଃ ପୁରାଃ ହଡ୍କ ଇନ୍କୁଆଃ

* ୧:୧୭ ୧:୧୭ ମାଥୁଉ ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫.

ଏଡ଼କାନ୍ କାମିକ ଅତଙ୍ଗେୟା । ଏଟାଃ ହଡ଼କ ଇନ୍କୁଆଃ ଚାଇଲ୍
ଚାଇଲ୍ ନେଲ୍‌କେଦ୍‌ତେ ସାନାର୍‌ତିରେୟାଃ ବିରୁଧ୍‌ରେ ଏଡ଼କାନାଃକ
କାଜିୟା । ^୩ ଇନ୍କୁ ଟାକା ପାଏସାରେୟାଃ ହାୟାତେ ବେଦାତାନଲ୍‌ଃ
ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଙ୍ଗାଆଃ, ମେନ୍‌ଦ୍
ସିଦାଏତେଗି ପାର୍‌ମେଶ୍‌ବାର୍ ଇନ୍କୁଆଃ ବିଚାର୍‌କାଦାଏ ଆଡ଼ଃ
ଇନ୍କୁଆଃ ଗନଏଃରେୟାଃ ନେତା ନାଡ଼େଃତେ ସେଟେରାକାନା
।

^୪ ପାର୍‌ମେଶ୍‌ବାର୍ ପାପକେଦ୍ ଦୁଡ଼କକେ କା ଛାମାକେଦ୍‌ତେ
ନାରାକ୍‌ରେ ହୁରାଙ୍ଗକେଦ୍‌କଆ ଆଡ଼ଃ ମାରାଙ୍ଗ ବିଚାର୍ ହୁଲାଙ୍ଗ
ଜାକେଦ୍ ନୁବାଃ ଗାଡ଼ାରେ ଦହକାଦ୍‌କଆ । ^୫ ପାର୍‌ମେଶ୍‌ବାର୍ ସିଦା
ପାରିୟାରେନ୍ ଅତେଦିଶ୍‌ବୁମ୍‌କେହିଁ ସାଜାଇ ଏମ୍ ନାଗେନ୍ତେ କାଏ
ବାଗିକେଦା, ଏଡ଼କାନ୍‌ତେ ପେରେଜାକାନ୍ ଅତେଦିଶ୍‌ବୁମ୍‌ରେନ୍
ହଡ଼କକେ ଦାଆଃତେ ଦୁବାକେଦ୍‌କଆ । ଧାରାମ୍ ପାର୍‌ଚାରକେଦ୍ ନୁହୁଁ
ଆଡ଼ଃ ଏଟାଃ ଏୟା* ଝାନ୍ ହଡ଼କକେ ଏସ୍‌କାର୍ ବାଟାଅକେଦ୍‌କଆ
। ^୬ ତାୟମ୍‌ତେ ପାର୍‌ମେଶ୍‌ବାର୍ ସୋଦମ୍ ଆଡ଼ଃ ଗମ୍‌ରା ନାଗାର୍
ବାରାନାଃକେ ସାଜାଇ ଏମ୍‌କେଦ୍‌ତେ ସେଙ୍ଗେଲ୍‌ତେ ଜିୟନ୍‌କେଦା
ଆଡ଼ଃ କା ଧାର୍‌ମାନ୍‌କଆଃ ଚିନାଃ ହବାଅଆ, ଏନା ନେ
ବାରାନ୍ ନାଗାର୍‌ଗି ଏନାରେୟାଃ ନାମୁନା ଲେକା ହବାକାନା ।
^୭ ଏଡ଼କାନ୍‌କଆଃ କା ଧାର୍‌ମାନ୍ ଚାଇଲ୍ ଚାଇଲ୍ ହରାତେ ଲାଗାକାନ୍
ଧାର୍‌ମାନ୍ ଲୁଟ୍‌କେ ପାର୍‌ମେଶ୍‌ବାର୍ ବାଞ୍ଚାଅକିୟାଏ । ^୮ ଏନ୍ତେ ଏନ୍
ଧାର୍‌ମାନ୍ ହଡ଼ ଇନ୍କୁଲ୍‌ଃ ତାଇକେନ୍ ଇମ୍‌ତା ଇନ୍କୁଆଃ କା
ଠାଉକାନ୍ କାମିକ ନେଲ୍‌କେଦ୍‌ତେ ଆଡ଼ଃ ଆୟୁମ୍‌କେଦ୍‌ତେ ସବେନ୍
ହୁଲାଙ୍ଗ୍ ଆୟାଃ ମନ୍‌ରେ ପୁରାଃଗି ଦୁକୁ ଆଟ୍‌କାରେ ତାଇକେନାଏ
। ^୯ ଆଡ଼ଃ ଧାର୍‌ମାନ୍ ହଡ଼କକେ ଆକଆଃ ବିଡ଼ାଅହେତେ ଚିଲ୍‌କା
ବାଞ୍ଚାଅ ଲାଗାତିଙ୍ଗିୟାଃ, ଆଡ଼ଃ ଏଡ଼କାନ୍‌କକେ ବିଚାର୍ ହୁଲାଙ୍ଗ୍‌ରେ
ସାଜାଇ ଏମ୍ ନାଗେନ୍ତେ ଚିଲ୍‌କା ଦହାକାନାକ, ଏନା ପ୍ରାଭୁ
ସାରିୟାଏ । ^{୧୦} ବିଶେଷ୍‌କେଦ୍‌ତେ ଅକନ୍‌କ ପାର୍‌ମେଶ୍‌ବାର୍‌ଆଃ
ଆକ୍‌ତେୟାର୍‌କେ କା ମାନାତିଙ୍ଗିକେଦ୍‌ତେ ଆକଆଃ ହଡ଼ମ୍‌ରେୟାଃ
ଏଡ଼କାନ୍ ସାନାଙ୍ଗକେକ ଅତଙ୍ଗିତାନା । ନେ ହସଡ଼ ଇଡ଼ୁକ ଜୀଉରେ
କେଟେଦ୍‌କେଦ୍‌ତେ, ଆପ୍‌ନାଃ ହଡ଼ମ୍‌ରାଃ ଇଛା ସାନାଙ୍ଗ୍ ଲେକା

* ୨:୫ ୨:୫ ସାଡ଼

କାମିତାନାକ । ଇନ୍କୁ ମାନାରାଜ୍ରେୟାଃ ପେଡ଼େଃକକେ ନିନ୍ଦା
 ରିକା ନାଗେନ୍ତେ କାକ ବରତାନା । ^{୧୧} ନେ ହସତ୍ ଇତ୍ତୁକଏତେ
 ଦୁଁଡକଦ ପୁରାଃ କେଟେୟାନ୍ ଆତଃ ପେଡ଼େୟାନ୍କ ତାନକରେୟ
 ପାର୍ମେଶ୍ଵରୁଆଃ ସାମ୍ନାଜ୍ରେ ନିନ୍ଦାକେଦ୍ତେ ଇନ୍କୁଆଃ
 ବିଚାର୍ କାକ ରିକା ତାନା । ^{୧୨} ମେନ୍ଦ ନେ ହତ୍ତକଆଃ କାମି
 ବିର୍ ଜାତୁକ ଲେକା ଆକ୍ତେୟାର୍ରେ ଆତଃ ଗଗଏଃତେୟାଃ
 ତାନା, ଅକ୍ନାଃ କାକ ଆଚ୍ଚାର୍ତ୍ତରୁମ୍ ଦାଡ଼ିୟା, ଏନାକେ ଇନ୍କୁ
 ହିଲ୍ଲାଇୟେତାନଲ୍ଲଃକ କାଜିୟା, ଆତଃ ଇନ୍କୁ ବିର୍ ଜାତୁ ଲେକାକ
 ଜିୟନଃଆ, ^{୧୩} ଆତଃ ଇନ୍କୁ ଏଟାଃକଆଃ ହାନି ରିକାକାଦ୍
 ଲେକାଗି ଆକଆଃ ହାନି ହବାଅଃଆ । ଅକ୍ନାଃରେ ଇନ୍କୁଆଃ
 ହତ୍ତମ୍ରେୟାଃ ରିଜ୍ଚରାଜ୍ ବିୟଃଆ, ଏନାକେ ଇନ୍କୁ ସିଜ୍ପିରେ
 ରିକାକେଦ୍ତେ ରାସ୍କାଃଅ ନାଗେନ୍ତେକ ସୁକୁଃଆ, ଆତଃ ଅକନ୍କ
 ଆକଆଃ ହସତ୍ତେ ପେରେଜାକାନ୍ କାମିରେ ରାସ୍କାଅଃତାନଲ୍ଲଃ
 ଆପେଲ୍ଲଃ ଫିସାତେ ଜମାଃକ । ^{୧୪} ଇନ୍କୁଆଃ ମେଦ୍ ଆପାଜ୍ପିର୍ତ୍ତେ
 ପେରେଜାକାନା ଆତଃ ପାପକାମି ଚିତ୍ତଲ୍ଲା କାକ ବାଗିୟା ।
 ଇନ୍କୁ ନାରାଦୁରା ମନ୍ରେନ୍ ହତ୍ତକକେ ବେଦା ଇଦିକଆକ,
 ଆତଃ ଇନ୍କୁଆଃ ମନ୍ସୁରୁଦ୍ ଟାକା ପାଏସାରେଆଃ ହାୟାରେ
 ପେରେଜାକାନା । ଇନ୍କୁ ପାର୍ମେଶ୍ଵରୁତାଃଏତେ ସାର୍ପାଅ
 ନାମେଗିୟାକ । ^{୧୫} ଇନ୍କୁ ସିଧା ହରା ବାଗିକେଦ୍ତେ ଆକଆଃ ହରାକ
 ଆଦାକାଦା, ଆତଃ ଇନ୍କୁ ବିୟୋରୁରାଃ ହନ୍ତେକଡ଼ା ବାଲ୍ଲମ୍ଆଃ
 ହରାକ ଅତଜ୍ଜକାଦା । ଇନିଃ ଟାକା ପାଏସାରାଃ ଦୁଲ୍ଲାଡ଼ତେ
 ଏଡକାନ୍ କାମି କାମିକେଦାଏ, ^{୧୬} ଆତଃ ଆୟାଃ ଏନ୍ ପାପ୍ ନାଗେନ୍ତେ
 ହିଲ୍ଲାଇୟାନା । ଆୟାଃ ଗାଧା ହତ୍ତକଆଃ ଲାବ୍ଜାତେ କାଜିକେଦା,
 ଆତଃ ନାବାଆଃ ବାଉଡ଼ା† କାମିହେତେ ହକାକିୟା ।

^{୧୭} ନେ ହସତ୍ ଇନିତୁକ ରହତ୍ ସେତେଜ୍ଞ‡ ଲେକା ଆତଃ
 ଦୁଦ୍ଗାର୍ ହୟତେ ଅଟାଜ୍ପିଅଃତାନ୍ ରିମିଲ୍ ଲେକାନ୍କ ତାନକ
 । ପାର୍ମେଶ୍ଵରୁ ଇନ୍କୁ ନାଗେନ୍ତେ ପୁରାଃ ନୁବାଃ ହୁଆଜ୍ଗାଡ଼ା
 ଦହକାଦାଏ । ^{୧୮} ଇନ୍କୁ ଆପାନ୍କେ ମାରାଜ୍ ମେନ୍ତେକ କାଜିନ୍ତାନା
 ଆତଃ ସାମାକାଜିକ କାଜିତାନା, ଏଡକାନାଃରେ ସେସେନ୍ତାନ୍

† 9:୧୭ 9:୧୭ ବାଏହା ‡ 9:୧୭ 9:୧୭ ଝାରେନ୍

ହତକତାଃଏତେ ବାତାଅ ନାମ୍‌କେଦ୍‌ତେ ହିଜୁଃ ରୁହାଡ଼ାକାନ
 ହତକକେ ହତ୍‌ଫରାଃ ଏଡ଼କାନ ସାନାଙ୍‌ରେୟାଃ ରିଜ୍‌ରାଙ୍‌
 ଦେଖାଅତାନଲ୍‌ଃ ବେଦାକତାନାକ । ୧୯ ଏନ୍ ହସତ୍ ଇନିତୁକ
 ଇନ୍କୁକେ ତନଲ୍‌ହେତେ ରାଡ଼ାଅଃରେୟାଃ ବାନାର୍‌ସାକ ଏମାକଆ,
 ମେନ୍‌ଦ ଇନ୍କୁ ଆକଗି ଜିୟନଃରେୟାଃ ଦାସିତାନକ, ଚିୟାଃଚି
 ଜେତାଏ ଅକ୍‌ନାଃତେ ହାରାଅକାନା, ଇନିଃ ଏନାରେୟାଃ ଦାସି
 ତାନିଃ । ୨୦ ଆବୁଆଃ ପ୍ରାଭୁ ଆତଃ ଜୀଉବାଞ୍ଚାଅନିଃ ଯୀଶୁ
 ଶ୍ରୀଷ୍ଟତାଃଏତେ ସେଣା ନାମ୍‌କେଦ୍‌ତେ ଅକନ୍‌କ ଅତେଦିଶୁମ୍‌ରେୟାଃ
 ଏଡ଼କାନାଃଏତେ ବାଞ୍ଚାଅ ନାମାକାଦାକ, ଇନ୍କୁ ଆତଃମିସା ଏନ୍
 ଏଡ଼କାନାଃରେୟାଃ ତନଲ୍‌ରେ ତଲ୍‌କେଦ୍‌ତେ ହାରାଅ କାନରେଦ,
 ଇନ୍କୁଆଃ ଚୁଣ୍ଡୁଦାସା, ପାହିଲା ଦାସାଏତେ ପୁରାଃଚି ଆଦ୍‌କା
 ହବାଅଃଆ । ୨୧ ଧାର୍‌ମାନ୍ ହରା ସାରିକେଦ୍‌ତେ, ଏନାରେ ଏମାକାନ
 ପାବିତାର୍ ଆନରୁ ବାଗିତେୟାଃଏତେ, ଏନ୍ ହରା କାକ ସାରିକାରେ
 ଇନ୍କୁଆଃ ନାଗେନ୍ତେ ପୁରାଃ ବୁଗିନାଃ ହବାକାନ୍‌ତେୟାଃ । ୨୨ ଇନ୍କୁ
 ନାଗେନ୍ତେ ଅକ୍‌ନାଃ ହବାକାନା, ଏନାଏତେ ନେ କାଜିୟାକାନ କାଜି
 ସାର୍‌ଚି ହବାଅଃତାନା, “ ସେତା ଅକ୍‌ନାଃ ଉସାଡ଼କାଦାଏ, ଏନାକେ
 ଆତଃମିସା ଜମ୍ ରୁହାଡ଼େଆଏ, ’ସୁକୁରିକେ ଆବୁଙ୍‌କେଦ୍ ତାୟମ୍‌ତେ
 ଆତଃମିସା ଲସଦ୍‌ରେ ବାଚିନ୍ ନାଗେନ୍ତେ ସେନା । ”

୩

ପ୍ରାଭୁଆଃ ହିନିଜୁଃ

୧ ହେ ଦୁଲ୍‌ଭାତ୍ ହାଗା ମିଶିକ, ଆଇଙ୍‌ ଆପେତାଃତେ ଆତଃମିଆଁଦ୍
 ଚିଟାଉ ଅଲେତାନାଇଙ୍‌ । ନେ ବାରାନ୍ ଚିଟାଉରେ ଆଇଙ୍‌ ଆପେକେ
 ନେ ସବେନ୍ ବିଷାଏରେ ପାହାମ୍ ଇଚିକେଦ୍‌ତେ ଆପେୟାଃ ମନ୍‌ରେ
 ଫାର୍‌ଚି ଉଡ଼ୁ ନାଙ୍ ଚିହୁଟାଃପେ ମେନ୍ତେଇଙ୍‌ ସାନାଙ୍‌ତାନା ।
 ୨ ଆପେ ପାବିତାର୍ ନାବୀକଆଃ ହରାତେ ସିଦାରେ ଉଦୁବାକାନ
 କାଜିକ ଆତଃ ଜୀଉ ବାଞ୍ଚାଅନିଃ ପ୍ରାଭୁଆଃ ଆନରୁକେ କୁଲ୍‌କାନ
 ପ୍ରେରିଡ଼କ ଆପେକେ ଏମାକାଦ୍‌ପେୟାକ, ଏନା ଆଇଙ୍‌ ଆପେକେ
 ପାହାମ୍‌ଇଚି ନାଗେନ୍ତେଇଙ୍‌ ସାନାଙ୍‌ତାନା । ୩ ☆ସବେନାଃଏତେ
 ସିଦା ଆପେକେ ସାରି ଲାଗାତିଙ୍‌ୟାଃ, ନେ ଚୁଣ୍ଡୁ ଦିପିଲିକରେ

☆ ୩:୩ ୩:୩ ଯିହୁଦା ୧:୧୮.

ଚିମିନ୍ ହତକ ସାରତିକେ ଲାନ୍ଦାକେଦତେ ଆକଆଃ ଏତକାନ୍ ସାନାଙ୍ଗତେ ଏସ୍କାରକ ସେସେନା, ୪ ଆତଃ ଇନ୍କୁ ଆପେକେ ଲାନ୍ଦାକେଦତେ କାଜିୟାକ, “ୟୀଶୁଆଃ ହିନିଦୁଃରାଃ ବାନାର୍ସା କାଜି କତାଃରେୟା ? ଆବୁଆଃ ପୁରୁଶା ହାଡ଼ାମକ ଗଏଃ ଚାବାୟାନଗିୟାକ, ମେନ୍ଦ ଏନେଟେଦ୍ରେ ଅତେଦିଶୁମ୍ ଚିଲ୍ଲକା ବାଇକାନ୍ ତାଇକେନା ଏନ୍ଲେକାଗି ନାହାଁଃ ଜାକେଦ୍ ମେନାଃ ।” ୫ ଇନ୍କୁ ସାରିସାରିତେଗି ରିଡ଼ିଙ୍ଗତାଃକ ଯେ, ସିଦା ଦିପିଲିରେ ପାରମେଶ୍ଵାରଆଃ ହୁକୁମ୍ତେ ଅତେ ଆତଃ ସିମା ବାଇୟାନା । ନେ ଅତେଦିଶୁମ୍ ଦାଆଃଏତେ ଆତଃ ଦାଆଃତେ ବାଇୟାକାନା । ୬ ଆତଃ ଏନ୍ ମାରି ଅତେଦିଶୁମ୍ ଇନିୟାଃ ହରାତେ ମୁସିଙ୍ଗ୍ ଦାଆଃ ରୁତାକେଦତେ ଜିୟନ୍ୟାନା । ୭ ମେନ୍ଦ ନାହାଁଃ ଅକନ୍ ଅତେଦିଶୁମ୍ ଆତଃ ସିମା ମେନାଃ, ଏନା ପାରମେଶ୍ଵାରଆଃ ଏନ୍ ସାମାନ୍ ହୁକୁମ୍ତେଗି ସେଙ୍ଗେଲ୍ରେ ଜିୟନଃ ନାଗେନ୍ତେ ଦହାକାନା । ଅକ ହୁଲାଙ୍ଗ୍ରେ କା ଧାର୍ମାନ୍ ହତକ ବିଚାରଃଆକ, ଏନ୍ ହୁଲାଙ୍ଗ୍ ଜାକେଦ୍ ଏନାକେ ଦହାକାନା ।

୮ ମେନ୍ଦ ହେ ଦୁଲାଡ୍ ହାଗା ମିଶିକ, ମିଆଁଦ୍ କାଜି ଆଲ୍ପେ ରିଡ଼ିଙ୍ଗ୍ରେୟା, ପାରମେଶ୍ଵାରଆଃ ଆୟାରରେ ମୁସିଙ୍ଗ୍କେ, ମିଦ୍ ହାଜାର୍ ବାରାଷ୍ ମେନ୍ତେ ହିସାବଃଆ ଆତଃ ମିଦ୍ ହାଜାର୍ ବାରାଷ୍କେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାନାଃ ସାମାନ୍ ତାନାଃ । ୯ ଚିମିନ୍ ହତକ ବିଲାମଃ ତାନାଃ ମେନ୍ତେକ ଉଡ଼ୁତାନ୍ ଲେକା, ପ୍ରାଭୁ ଆୟାଃ ବାନାର୍ସା କାଜିକେ ପୁରାଏ ନାଗେନ୍ତେ କାଏ ବିଲାମେ ତାନା, ମେନ୍ଦ ଜେତା ହତ ଆଲକାକ ଜିୟନଃକା ଆତଃ ପାପ୍ହେତେ ମନ୍ ରୁହାଡ଼େକାକ ମେନ୍ତେ ଇନିୟାଃ ସାନାଙ୍ଗ୍ ।

୧୦ ✽ମେନ୍ଦ ପ୍ରାଭୁଆଃ ହିନିଦୁଃ ହୁଲାଙ୍ଗ୍ କୁମୁଡ଼ୁଲେକା ହିଦୁଃଆ । ଏନ୍ ହୁଲାଙ୍ଗ୍ ସିମାକ ପୁରାଃ ସାଡ଼ିତେ ଜିୟନଃଆ, ଆତଃ ନେ ଅତେଦିଶୁମ୍ ଅକନାଃତେ ବାଇକାନା, ଏନ୍ ଏନେଟେଦ୍ ବିଷାଏକ ସବେନ୍ ସେଙ୍ଗେଲ୍ତେ ସେରଃଆ, ଅତେରେ ବାଇୟାକାନ୍ ସବେନାଃ ଜିୟନଃଆ । ୧୧ ନେ ସବେନାଃ ନେ'ଲେକା ଜିୟନଃରେଦ୍, ଆପେୟାଃ ଚିଲ୍ଲକାନ୍ ଜୀଞ୍ଜାନ୍ ହବାଅଃ ଲାଗାଡ଼ିଙ୍ଗ୍ୟାଃ, ଏନା କାଗିଃ ଉଡ଼ୁଲେପେ । ଆପେକେ ପାବିତାର୍ ଆତଃ ପାରମେଶ୍ଵାରତାଃରେ

✽ ୩:୧୦ ୩:୧୦ ମାଥୁଉ ୨୪:୪୩; ଲୁକ ୧୨:୩୯; ୧ ଥେସଲନିକା ୫:୨; ଉନ୍ତୁବ୍ କାଜି ୧୬:୧୫.

ଜିମାକାନ୍ ଜୀଞ୍ଜାନ୍ ଲେକା ହବାଅଃ ଲାଗାତିଙ୍ଗ୍‌ୟାଃ । ୧୨ ଆପେ ପାରମେଶ୍ଵାର୍‌ଆଃ ହିନିଜୁଃ ହୁଲାଙ୍ଗ୍‌କେ ନେଲ୍ ହରାତାନ୍‌ରେଦ୍, ଏନା ଜାଲ୍‌ଦି ହିଜୁଃ ନାଗେନ୍ତେ ସେକାଡ଼ାକାନ୍‌ପେ । ଏନ୍ ହୁଲାଙ୍ଗ୍ ସିର୍ମାରେୟାଃ ଏନେଟେଦ୍ ବିଷାଏ ସବେନ୍ ହୁଲ୍‌କେଦ୍‌ତେ ଜିୟନଃଆ ଆଡ଼ଃ ସିର୍ମାରେନ୍ ଇପିଲ୍ ଚାଣ୍ଡୁ ପୁରାଃ ଜୁନୁଲ୍‌ରାଃ ଏଲାଙ୍ଗ୍‌ତେ ଲେୟାଙ୍ଗ୍‌ଆଃଆ । ୧୩ *ମେନ୍‌ଦ ପାରମେଶ୍ଵାର୍ ଆବୁକେ ଏମାକାଦ୍‌ବୁ ବାନାର୍‌ସା କାଜିଲେକାତେ, ମିଆଁଦ୍ ନାଞ୍ଜା ସିର୍ମା ଆଡ଼ଃ ନାଞ୍ଜା ଅତେବୁ ନେଲ୍‌ହରାତାନା, ଅକ୍‌ନାଃଚି ଧାର୍‌ମାନ୍‌କଆଃ ତାଇନଃ ଠାୟାଦ୍ ହବାଅଃଆ ।

୧୪ ଏନାତେ ହେ ଦୁଲାଡ଼୍ ହାଗା ମିଶିକ୍, ଆପେ ନେ ସବେନାଃକେ ନେଲ୍‌ହରାତାନ୍ ନାଗେନ୍ତେ ପାରମେଶ୍ଵାର୍‌ଆଃ ନେପେଲ୍‌ରେ ପାବିତାର୍ ଆଡ଼ଃ ବେଗାର୍ ଦାଗିକାନ୍ ଲେକା ସୁକୁଜୀଉତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ । ୧୫ ଆବୁଆଃ ପ୍ରାଭୁ ଚିମିନ୍ ସାହାତିଙ୍ଗ୍‌ନିଃ ତାନିଃ । ଆପେୟାଃ ଜୀଉବାଞ୍ଚାଅ ନାମ୍ ନାଗେନ୍ତେ ଇନିଃ ଚିମିନ୍ ନେତା ଏମାକାଦାଏ, ଏନା ଆବୁଆଃ ଦୁଲାଡ଼୍ ହାଗା, ପାଉଲୁସ୍ ପାରମେଶ୍ଵାର୍‌ତାଃଏତେ ସେଣାଁ ନାମ୍‌କେଦ୍‌ତେ ଆପେତାଃତେ ନେ ଚିଟାଉ ଅଲାକାଦାଏ । ୧୬ ଇନିଃ ଆୟାଃ ସବେନ୍ ଚିଟାଉରେ, ନେ ସବେନ୍ ବିଷାଏ ଉଦୁବ୍‌କେଦ୍‌ତେ କାଜିକାଦାଏ, ଏନ୍ ସବେନାଃରେ ନେ'ଲେକା ଚିମିନ୍ ହାମ୍‌ଲ୍ କାଜିକ ମେନାଃ, ଅକ୍‌ନାଃକଚି ଆବ୍‌କାର୍‌ଉରୁମ୍ ନାଗେନ୍ତେ ପୁରାଃଗି ହାମ୍‌ଲାଃ । ଆବର୍‌ରେ କା ତାଇନଃ ବେଗାର୍ ସେଣାଁନ୍ ହଡ଼କ ଏଟାଃ ସବେନ୍ ଧାରାମ୍‌ପୁଅ ଲେକାଗି ପାଉଲୁସ୍‌ଆଃ ଚିଟାଉକରେୟ ଏନ୍‌ଲେକାଗି ମୁଣ୍ଡିକ ଉଦୁବାଃ । ନେଆଁତେ ଇନ୍‌କୁ ଆକଆଃ ଜିୟନଃକ ଆଉତାନା ।

୧୭ ମେନ୍‌ଦ ହେ ଦୁଲାଡ଼୍ ହାଗା ମିଶିକ୍, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିର୍ଗାଲାକାନ୍ ତାଇନ୍‌ପେ, ଜେ'ଲେକା ଏଡ଼କାନ୍ ହଡ଼କଆଃ ହସଡ଼ ଇନିତୁରେ ଉୟୁଃକେଦ୍‌ତେ ଆପେୟାଃ କେଟେଦ୍ ବିଶ୍ଵାସ୍‌ଏତେ ଆଲପେ ସାଙ୍ଗିନଃଆ । ୧୮ ମେନ୍‌ଦ ଆବୁଆଃ ପ୍ରାଭୁ ଆଡ଼ଃ ଜୀଉବାଞ୍ଚାଅ ଯୀଶୁ ଖ୍ରୀଷ୍ଟ୍‌ଆଃ

* ୩:୧୩ ୩:୧୩ ଉଦୁବ୍ କାଜି ୨୧:୧.

ସାୟାନ୍ ଆଡ଼େ ସେଣ୍ଟେ ହାରାଇଦିଅନ୍ତେ । ନାହିଁ ଆଡ଼େ ଜାନାଅ
ଜାନାଅ ଜାକେନ୍ଦ୍ ଇନିୟାଃ ମାନାରାଜ୍ ହବାଅଃକା, ଆମେନ୍ ।

ପାରମେଶ୍ଵାରଆଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଆଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଆଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6